

Dumonda Schneider concernent la gestiun d'ina apoteca publica tras l'ospital chantunal dal Grischun

En il sector d'entrada da l'edifizi nov da l'ospital chantunal dal Grischun è planisada sper ina cafetaria tranter auter in'apoteca publica. Quella duai vegnir averta en il decurs da l'onn 2020. L'apoteca vegn manada sco filiala independenta da l'ospital chantunal dal Grischun. En quest connex sa tschenta la dumonda, pertge che l'ospital chantunal che vegn finanzià cun daners da taglia sto manar in'atgna apoteca, malgrà ch'il provediment medicinal da basa en la Val dal Rain grischuna è cuvri surproporziunalmain.

Perquai vulessan las interpellantas ed ils interpellants che la regenza respundia las suandantas dumondas:

1. Èsi admissibel tenor lescha che l'ospital chantunal dal Grischun maina in'apoteca publica?
2. Èsi tenor la regenza raschunaivel che l'ospital chantunal dal Grischun che vegn finanzià cun daners da taglia concurrenzescha ils manaschis en la Val dal Rain grischuna cun manar in'apoteca publica?
3. Pertge n'è la gestiun da l'apoteca betg vegnida publitgada?
4. En l'ospital chantunal ad Aarau vegn l'apoteca publica da l'ospital manada da las apotecas da la regiun. È questa opziun medemamain vegnida persequitada? Sche gea, pertge han ins la finala refusà quella?
5. Na guntgescha l'ospital chantunal dal Grischun cun la gestiun d'ina atgna apoteca publica betg il dretg restrenschi dals medis da consegnar sezs medicaments, che vala a Cuira?
6. Èsi garantì che l'apoteca publica vegn manada separadamain da l'apoteca da l'ospital e pia ch'ella n'ha nagins avantatgs da concorrenza envers ils auters manaschis en la regiun (p.ex. tras reducziuns dal pretsch per grondas quantitats)?

Puntraschigna, ils 14 da zercladur 2019

Schneider, Rutishauser, Rettich, Berther, Bettinaglio, Bigliel, Brunold, Buchli-Mannhart, Caluori, Cantieni, Casutt-Derungs, Cavegn, Caviezel (Cuira), Crameri, Deplazes (Rabius), Derungs, Epp, Föhn, Gasser, Hefti, Hohl, Kasper, Kohler, Kunfermann, Maissen, Märchy-Caduff, Niggli (Samedan), Niggli-Mathis (Grüsch), Papa, Pfäffli, Ruckstuhl, Schmid, Stiffler, Tanner, Tomaschett (Breil), Tomaschett-Berther (Trun), Ulber, Widmer (Favugn)